



歷下十六景序



唯在丈夫遊陟遠舉逍遙
偃傲不齷齪輿馬間故韓昌
黎服慄於華山之巔程明道
登第請註鄆簿以畢太業之
願真達人之大觀也予雅好泉

石厯下名勝常一形若夢寐迨握
般馬之符日執手板僕僕腥塵
欲一登臨游覽未遑也治厯久
之案牘稍清時從一二縉紳名
山勝水福地洞天無不縱目余
嘆曰盛哉杭漢汝陰之西湖洪

蜀永之西山嘉之峨眉巴陵岳陽之
樓黃之臨臯金陵之賞心白鷺楊
之平山吳之蘇臺茂苑荆楚之雲
夢鄆之白雪滌之榔榔九江之
庾樓未茲過矣先民標為八景
掛漏之見不為勝地所擲揄邪

十六景前序
剗孝廉五雲乃取先民未探之奇
與夫新增之勝標為十六景各為
詩傳示余余曰邑無棄是過半
矣復搜古今諸名公所為詩次
第之亦謬以瓦缶附其間統付剗
刷嗚乎海田陵谷代有變遷時和

物阜素井亦太平之觀財盡民
窮山川皆黯淡之色故李格以園
圃之盛衰卜洛陽之興廢也豈無
見哉興言至此抑可永懷後之
君子觀是集而有感焉可以
興矣無第曰景物撩人探奇

十六景前序
選勝拚一醉於湖山云耳

萬曆戊申春仲花朝日

睢陽陳陞撰於歷之樂宦軒



東吳李以黻書



目錄

錦屏耀日 龍洞山

玉鼎翻雲 釣突泉

幽磻黃花 大佛山

白雲霽雪 白雲樓

石洞絕塵 千佛山

明湖泛月 大明湖

孤嶂凌霄 華不注

清流注海 大清河

選勝拚一醉於湖山云耳

萬曆戊申春仲花朝日

睢陽陳陞撰於應之琴室軒



東吳李以散書



目錄

錦屏耀日 龍洞山

玉鼎翻雲 釣突泉

幽磻黃花 大佛山

白雲霽雪 白雲樓

石洞絕塵 千佛山

明湖泛月 大明湖

孤嶂凌霄 華不注

清流注海 大清河

松韻南薰 舜廟

荷香北渚 水面亭

蒼生霖雨 五龍潭

翠屏丹竈 鵲山

巖畔飛泉 黑虎泉

川原落照 如斯亭

竹港清風 小洪園

鮑山白雪 白雪樓

錦屏耀日 龍洞山

歷下劉勅撰

距歷東南三十里許名曰龍洞四山回合壁立萬仞巉巖危峰橫出倒掛疑有神工鬼斧所爲且丹碧點綴曉霞掩映絢若錦屏山脅一洞捫蘿上之其大如屋其深十八楹可明燭而遊洞下爲靈虛宮旱禱輒雨宮北雙壁若劈水瀉瀟中出曲行數里爲黑龍潭投之以石掉尾激水雲氣簸揚渺馬際空蓋神物所宅也故古達人多唵眺于此而勝國尤神

奇之固山之絕勝云

龍洞靈虛宮歌

長山張大亨

路盤曲兮山之隅
林麓晻靄兮神所居
神之來兮風徐徐
雲幢煙蓋兮羅前驅
陽侯執轡兮列缺捧輿
電不搖幟兮雷不鞭車
亦既至止兮士民敬趨
擊鐘鼓吹笙竽獻嘉肴
兮酌清醕陳牲奠幣兮翼翼愉愉自今以始
兮歲不虛神安寧兮樂有餘
時暘時雨兮咎徵悉除
黍多稌兮豐年可書
民之昭事兮禮不敢踈
神之陰施兮福

亦來儲

遊龍洞

松雪趙孟頫

蒼山如犬牙細路入深谷
絕塵千餘仞上有凌雲木
陰崖不受日洞穴自成屋
蕭森人跡少蒼蔚獨攸伏
雲林忽隱映澗道相迴復
翔禽薄穹霄鳴鳥響巖曲
臨橋濯長纓汲井漱寒玉
斲懷塵外思飄然住林麓
無那尋故蹊歸樵相追逐

遊龍洞

浚川王廷相

陽阿春色暢百卉青不淺
官牒憚煩督素棕期

野展抵林才一舍幽深劇百轉雙闕對面淨削
壁自天斷豹蹲穴霧腥龍卧洞雲懶春賞既勝
地朋來况文選促空徵清歌攀岑恣幽覽張弛
合道符茲遊詎沉湎遠追蘇門嘯竊附緱山管
曠士調自殊造化同游衍

遊龍洞山

歷下邊 貢

鳥路縈迴洞壑深出塵風景愜招尋山園下界
青天迥日照中巖翠栢森浮世何須論去住病
身元不厭登臨釣磯無恙綸竿整悵望仙潭玉

鯉沉

踏烟衝霧不知寒繞遍山崖復水千峰擁夕陽
遙駐馬石懸高洞仰凭闌踈鐘隔澗深堪聽老
菊垂花素可餐傳語北臺三節使擬拚明日盡
餘懽

登龍洞山襟咏

海嶠烟霞滿巉巖饒積陰綠苔穿嶺滑黃葉綴
巖深宛宛鹿麋徑冷冷泉磴音高人或住此精
舍杳難尋

寺古猶存佛山深少見僧遲徊意不極去住感
偏增樹隱青林日龕明白石燈峭峰吾欲上未
有鶴堪乘

寺繞層峰入溪通曲澗開八年千里夢七日兩
迴來石壁流烟色荒蹊壘草萊登高賦搖落慚
愧宋生才

遊龍洞山

灤江王 珩

信馬看山過十村村墟盡處轉山林天迴萬壑
雲流石洞折雙崖霧鎖門疑有紫簫招白鶴坐

忘清磬度黃昏他年慰我重遊念明月虛窓入
夢魂

次韻

新安胡 松

龍洞山高隔水村春深散步入雲根寒苔壘壘
封梯磴老檜蒼蒼控石門天際霧開千嶂出林
前日落半崖昏羅盤十九登臨遍酩酊歸來欲
斷魂

遊龍洞山

廬陵陳鳳梧

自笑平生酷好龍偶來龍洞訪仙踪陰晴變態

真千狀濃淡成嵐豈萬峰醉倚肩輿看石壁靜
聽鼓吹襟濤松飛泉一道從山下知在烟霞第
幾重

與王僉憲諸丈遊龍洞 東吳張穆

千巖萬壑路縈迴却度前峰寶殿開四面好山
疑禹鑿半空飛瀑自天來雲歸洞口龍初蟄雪
滿松枝鶴未回共道塵寰那有此臨岐立馬重
徘徊

次韻 睢陽蔡晟

路遶羊腸峰更迴憂民不見百花开一灣流水
曲折響無數白雲重疊來寶鼎香消僧出定錦
屏烟暝鶴飛回茸霖期得蘇焦稿勝地從今任
徘徊

遊龍洞值雨 晉安亢思謙

陰陰萬木晝生寒疊嶽竒峰入嶂看洞古龍歸
留勝蹟潭深雨過漲晴瀾遙空返照山含翠滿
谷輕霜樹染丹高卧祗應棲此地王陽何事慶
彈冠

季秋遊龍洞值雨

豐城雷 達

陰風吹雨洞門寒
龍去空餘此洞看
窈窕雲泥存變化
蜿蜒鱗甲訝波瀾
鳥驚人語流音細
樹帶秋巖倒影丹
列炬探竒迷遠道
凌虛何日挂衣冠

遊龍洞

四明屠 喬

三十里尋龍洞來
風烟杳渺洞門開
何年神物曾居此
今日白雲安在哉
秋草秋花驚節候
峰丹峰碧自山隈
英雄不盡登臨興
還把斜陽酒

一杯

遊龍洞

四明王應鵬

萬峰雄抱石門深
竒賞何如此地尋
絕頂紫霞長縹緲
蔽崖蒼雪正陰森
雲間大澤神龍隱
天近玄都北斗臨
獨倚斜陽縱雙目
碧空無盡鳥沉沉

洞裏旋螺歲月深
是誰開鑿到于今
細探只恐蛟龍出
遠陟還疑風雨唵
西日倒明寒澗碧
朔雲遙起暮天陰
可憐幽隱多竒勝
千古何人動

賞音

邀嚴侍御遊錦屏山洞 溫陵黃克績

錦屏春色近如何滿澗寒雲陰淺莎晴日蔽虧
山宛轉亂藤高下石嵯峨聲傳谷底人相應路
入巖中客暗過不是政閒邀一醉齊川歲月竟
蹉跎

翠壁丹崖面面新良工鏤出玉嶙峋幽深長恐
藏風雨靈異應湏有鬼神片石飛來成白堦群
峰隙處見蒼旻與君俱訪菴源去只少花間避

地人

初冬同溫侍御遊錦屏山

錦屏磴路昔攀躋與客重遊迹已迷共說春烟
從竇出驚看午日隔峯低寒水作筋垂龍洞亂
石爲沙困馬蹄衲子送人天欲暝鐘聲聽在白
雲西

遊龍洞寺

歷下范 瑟

荒寺丹青古寒泉野店深龍游天表去洞向石
巖陰座外明珠水林間聽梵音何時起支遁相

對法華吟

酬張轉運龍洞山之作 歷下李攀龍

春山遙上翠微連，忽出藤蘿一徑懸。
削壁雲霞開五色，中峰日月隱諸天。
浮漚並結金龕麗，飛竇雙銜石甕圓。
莫恠驪珠君已得，寒湫元自有龍眠。

與魏使君宿龍洞山寺同賦

圓壑深林繞梵宮，春來吟眺使君同。
空潭忽散三峰雨，暗穴常吹半夜風。
人擬二龍精自合，詩

看五馬步逾工，諸天坐失懸燈色。
明月先投入掌中。

使君春色滿綈袍，綵筆青山對濁醪。
望去天迴雙闕迥，坐來雲淨一峯高。
蛟龍出入常風雨，鴻鵠拚飛自羽毛。
愧我淹留逢楚客，攀援桂樹咏離騷。

削成東壁五雲屏，下有龍宮夜不扃。
斗柄故臨雙甕處，月明常對一珠亭。
春回竹葉杯光白，天逼蓮花劍氣青。
坐久空山仙籟寂，新詩獨爲故

人聽

秀色中峰獨不羣
藤蘿二月已紛紛
諸天近海金銀氣
雙峽長春錦繡文
塔影半空懸落照
溪流一曲灑浮雲
縱令洞口龍吟發
郢調還須讓使君

遊龍洞

華亭徐琳

結伴重來龍洞遊
藤蘿深鎖洞門幽
山空寂寂煙囂遠
木落蕭蕭歲月遒
嵐氣四圍青障合
雲光常帶錦屏浮
老僧似愛知音者
何事踈鐘促

去騶

同遊

東郡蘇潢

孺子南洲士高風
尚可攀邀賓同載酒
携手共登山霧鎖蛟
龍洞人遊虎豹關
老僧初出定心與
白雲閒

同遊

吳會吳道南

洞中有龍去幾時
我今停杯試問之人
攀龍鬚不可得爭柰
龍洞探其奇逶迤一
竅何深窈不與陰陽
割昏曉高盤螺髻為
誰嬌片片白雲常

自遶洞門千載對錦屏半鳴半咽寒泉聲山中
不見有人跡枝頭好鳥時嚶嚶徐卿邀我來遊
此不憚崎嶇携二子老僧摩頂稱麒麟果然骨
玉神秋水况有長鬚蘇頌卿當歌對酒春風生
我今迨暇不盡醉萬古空傳龍洞名

同遊

華亭朱時

赤龍歸去遠千載地常靈亂石穿松徑層巒列
翠屏山幽明月近洞古白雲停不盡登臨興流
霞照落青

遊龍洞寺

鄴下冀體

壁削芙蓉萬仞丹禪林隱隱畫圖看人間勝地
僧多占洞裏諸天客到難雲傍龍來晴作雨風
從澗落暑生寒年來勝有烟霞癖石畔長松好
挂冠

招提石徑抱流泉殿宇憑誰問幾年鶴帶曇雲
巢古樹龍將法雨臥深潭峰當南北疑無路洞
盡東西忽有天滿地松花鋤不盡振衣還唱白
雲篇

重遊龍洞同許殿卿

歷下張弓

仙源重到日回首十年餘
谷口頻携妓公門懶
曳裾大觀空法界狂醉小堪輿
明日支筇下清溪坐釣魚

春莫遊龍洞

歷下光廬

花飛春欲暮匹馬入山來
赤壁龍光合白雲鳥道迴
采蘭忘世境把酒比仙才
願結高僧會禪關日日開

清晨出野戍山口白雲連
深谷離人境高林隱

梵天潭澄堪作雨龍卧已經年
及早飛騰去流光太液邊

龍洞

歷下金城

浩劫留形勝深山一逕通
兩巖聳赤壁三秀倚青空
入寺天疑小臨崖地似窮
龍藏何處所雲氣鬱濛濛

禱雨龍洞山輒雨志喜
亳都陳陞

曲折山行馬未停忽然萬壑雨
冥冥雷聲欲動靈虛宅霧氣先迷
錦繡屏亂鳥歸來春谷寂雙

龍飛去夜潭腥一鞭霽色夕陽下回首三峰入
望青

龍洞山

歷下薛 炤

取愛此山奇結伴尋幽賞深入蛟龍宮捫蘿蒼
崖上鶴聲落翠屏松韻傳清響何日絕塵緣騎
鹿常來往

咏錦屏

歷下劉 遷

四壁懸如削屏開列繡茵曉烟山色碧輕暖樹
光新日霽迎秋爽霞明絢蚤春飛龍雙甕隱雷

起撼風塵

春日同劉于喬遊龍洞 歷下劉 勅

人世堪憐一幻身禪林深處問玄津苔生石洞
烟霞古花發空山草樹新碧嶂雲浮龍作雨錦
屏日耀鳥鳴春醉來履杖看流水欲濯冠纓未
有塵

春日同張元平明府遊龍洞

金刹香飄翡翠烟桃花千樹隱諸天層巒倒曳
山雲直削壁中懸石甕圓寺廢猶能留衲住洞

深常意有龍眠一尊喜對張平子徒倚松門細
論禪

夏日同董見心遊龍洞

四壁巖從一徑通
逃禪偶過梵王宮
雲垂碧水潭猶在
石長蒼苔洞已空
山栢有年飛翠雨
岩花無數落香風
夕陽正好相扳醉
王事催君馬首東

龍洞訪禪

騎馬看山去山深
馬去遲尋禪幽磴
隔問路野

人知谷鳥斜穿樹
巖花倒映巖高僧
不禁酒一醉共論詩

遊龍洞值雨

于喬劉遷

載酒登臨野興新
林頭飛鳥亂啼春
如何日暮來風雨
却笑山靈亦負人

戲和劉于喬

劉勅

梵王宮殿翠屏圍
縱酒酣吟欲落暉
春色遊殘山鬼妬
故將風雨促君歸

同劉五雲遊龍洞

吳人李以勸

上三
恠石嵬嵬萬壑懸松濤風細梵音連錦屏玉插
青天外古殿雲迷曉日邊羣鳥窺林啼老樹雙
龍入洞卧寒泉平生亦有尋幽興並馬深山好
問禪

登龍洞

歷下李應聘

石壁劃然斷人從曲徑來碑殘知古刹樹老問
誰栽雷震疑龍起雲飛覺洞開三峰烟霧影偏
傍雨花臺

緝寺乘秋入千林緩步行懸崖攢樹色曲澗轉

泉聲洞鎖僧房寂龕籠佛照明冷然發一笑烟
景有誰爭

同李雲松遊龍洞

歷下趙鉉

懸崖石洞俯丹梯携客尋幽此共躋碧水激流
飛晝雨錦屏高插掛晴霓松垂僧院藤蘿合竹
暗龍潭霧氣迷滿目春光應盡醉夕陽一望萬
山低

遊錦屏山

四明金湯

行唵鎮日傍溪流為訪仙踪記勝遊石甕筇懸

千丈壁丹梯倒曳萬年樛洞門雲氣時飛雨殿
角麟碑幾度秋回首山前香靄合豁然身世是
虛舟

龍洞山

新安江湛然

一徑紆迴鳥道閒幽尋欣得名山雲迷古洞
龍猶卧霞起僊閣窅未還列嶂重陰森夏木遙
空浮翠映春灣坐來頓覺煩囂遠孑孑天風雜
珮環

玉鼎翻雲

趵突泉

歷下劉勅撰

距城西南里許連湧三泉名曰趵突鼎立波
心聲若雷吼勢若雲沸其高數尺晶渺如練
凭欄眎之浪花仰激灑然襲人且泉水冬溫
夾岸草色四時纖碧曾刺史初構二堂于上
近因而廓大之畫楠雕楹翬飛鳥革門橫清
流亭盤曲水青蘿爲墻白石爲橋花竹相映
光弄樽俎又構白雪樓于泉干躡畫橋而北
則為呂公祠福地神窟景相聯絡展可樂而

忘世也故云第一泉

詠趵突泉

宋曾鞏

一派遙從玉水濱
暗來都灑歷山塵
滋榮冬茹
溫常早潤澤
春茶味更新
已覺路旁看
似鑑最
憐沙際涌
如輪層城齊
魯封疆會
况託娥英託
世人

詠趵突泉

元趙孟頫

灤水發源天下無
平地湧出白玉壺
谷虛只恐
元氣泄
歲旱不愁東
海枯雲霧潤
蒸華不注波

濤聲震大明湖
時從泉上濯塵土
冰雪滿懷清
興孤

過趵突泉

歷下張養浩

物平莫如水
隱阻乃有聲
云胡在坦夷
起立若
紛爭無乃滄海穴
泄漏元氣精
不然定鬼物
搏擊風濤驚

和趙

餘姚王守仁

灤源特起根
虛無下有鰲窟
連蓬壺絕喜坤靈
能爾幻却愁
地脉還時枯
驚湍怒湧噴石竇
流

沫下瀉翻雲湖月色照衣歸獨晚溪邊瘦影伴
人孤

和趙

太原喬宇

濯盡塵襟一點無皎如寒露在冰壺風鳴谷涌
聲先到歲旱山童澤未枯定有靈根連海岱應
教餘潤接江湖他年策杖遊王屋解道尋源興
不孤

泉上口占

浚川王廷相

濟水東來遠泉開湧玉林恍疑焦釜沸翻訝石

堂沉作澤隨雲遠成波助海深凭欄聊自醉勝
有羨魚心

詠趵突泉

天水胡纘宗

玉屋流來山下泉清波聊酌思冷然雲含雪浪
頻翻地河湧三星倒映天滾滾波濤生海底
危葦萼散城邊秋光一片凌霄漢最好乘槎泛
斗前

和趙

廬陵陳鳳梧

一鏡天光澹欲無忽驚平地湧冰壺層層雪浪

常飛白混混源泉永不枯千里伏流終入海百
花環漚更成湖觀瀾亭上清宵坐一片中天月
色孤

飲酌突泉

王越

一泓清氣湧波瀾幾度曾于醉裏看玉杵亂春
珠顆碎水壺倒浸雪花寒龍吹海沫潮聲急鬼
剗山根石眼寬誰爲蒼生作霖雨天瓢携得上
雲端

同飲酌突泉

葉冕

一脉源從天上來翻濤如怒震如雷千年玉樹
波心立萬壘冰花浪裏開神液暗分天地髓靈
光常護水晶臺飛龍有日還收去散作茸霖徧
九垓

和趙

南海鄧直卿

亭外奇觀世絕無軒窓浮動湛雲壺飛花數尺
聲相應赴海千年澤不枯春雨助流傳灤水煖
風吹雨勝西湖須臾莫盡源頭妙他日重尋興
未孤

和趙

浙人孫應奎

試問莊生到此無觀瀾亭上共携壺風前玉樹
花常發月下驪珠淚未枯活潑乾坤通海竅朝
宗日夜接明湖獨憐往事迷津處轍跡臨流興
不孤

夏日亭泉獨坐

華亭陸懋德

誰開混沌千年勝長作津亭風雨聲靈脉近應
通泰岱奔流遙欲向滄瀛飛花湛湛凌虛白漱
石泠泠入思清坐對靜消炎暑去悠然吾欲解

吾纓

春莫同李中丞重飲亭上時當新亭落成

景物嘉美喜賦

吳郡毛 在

再從泉上共徘徊無限春風花半摧舊榭重新
亭更好良辰又值客重來河邊柳色侵衣袖水
面桃花入酒杯我未醉時公莫去玉壺端爲兩
人開

送李中丞巡視清源時東昌民亂甫定

拂拂東風鼓節旄中丞不憚使車勞心憂農事

頻登岱計重軍需問轉漕厝火已消因曲突安
瀾無恙息驚濤此行莫訝威聲遠爲有仙人贈
寶刀

詠泉二首

晉陵吳之珍

突起狂瀾欲濺衣青山百里蘊靈機春時噴雪
萍猶燦夏日裁冰暑亦稀水向俄驚雙鶴舞樓
前忽覩數鷗飛玉壺瀟洒看無厭把酒凭欄任
落暉

寒泉幾道繞溪斜流響潺潺歷歲華不雨瑤池
衝碧溜無風珠樹擁梨花滄溟鰲伏銀吹浪泰
岱龍來玉噴沙世上奇觀携不去祇將綠酒送
紅霞

和趙

台峰熊相

近地名泉似此無聲如茶浪沸銀壺繡衣曉日
雲烟潤紅蓼秋風渚岸枯石竇雪花疑蜀道橋
頭柳色勝西湖倚欄時有人爭羨幾度登臨興
未孤

和趙

歷下潘子雨

突兀泉飛到處無，分明琪樹出冰壺。
風雷隱隱來何急，雪霰霏霏噴不枯。
石竇應連滄海窟，波光搖撼白雲湖。
泠泠一飲耳如露，寒沁詩脾興未孤。

和趙

錫山俞憲

蓬玄仙子出山無，誰遣瑤漿噴玉壺。
勢入滄溟元不遠，脉從王屋豈能枯。
鮫珠漫自誇群島，雪浪何須羨五湖。
繫馬夕陽看不足，波心明月坐來孤。

題突泉餞溫用廷侍御行部

春風初轉濟城東，擁道爭看御史驄。
旌蓋暫停山翠裏，笙歌共聽水聲中。
堂成背郭園林好，路入荒郊杼柚空。
莫怪慇懃頻勸酒，天涯情語更誰同。

題趵突泉

洪同劉應誥

青來蒼山景色嘉，白雲深處有人家。
珠泉細瀉千村雨，雪浪高飛滿眼花。
水脉潛通滄海窟，地形遙接泰峰峒。
遊不覺歸來晚，烟鎖寒林點點

暮鴉

詠泉

華亭陸懋德

泠泠懷勝賞十里闔春聲地穴渾疑鑿風濤莽
欲生斜飛珠顆亂倒湧玉花輕似愜霜林意悠
然挹太清

觀泉

霽川周鑑

泠然寒色滿縱橫誰把冰壺掛月明噴玉總爲
元氣湧衝珠一望白雲生千年臺榭遙垂鑑十
里薰葭斜抱城便欲乘槎探海若將因潮汐問

虧盈

詠泉二首

仁和馬三才

碧水通靈穴芳亭俯淺涯源驚騰地出勢欲上
欄斜散影飄晴雪回光落鏡花仙爐終日沸何
處覓丹砂

流水下之性翻空此亦奇龍潛瓊液噴馬飲玉
涎瀉吞吐波心月紛飛檻外絲澄清還愧我聊
以滌煩思

集釣突泉

鎮海張新

良晤招携選勝遊靈源深處一探幽露盤玉屑
飛難盡鮫室珠璣吐未休忽爾雷轟元不雨冷
然風至却疑秋澄心對此堪相映門外輪蹄可
自由

和韻

永年杜 糜

長日官閒選勝遊觀瀾亭畔景偏幽四封碧麓
環相向三窟靈源湧未休縱酒幾行神亦爽披
襟五月夜如秋筵開愧乏珍奇在獨有泉聲可
自由

和韻

長安王九儀

清時期會得從遊出郭遙尋別墅幽素練倒拖
渾不斷冰花散落更無休隨風聲亂千家杵濺
雨涼生六月秋寶藏何年來蜃結欲穿地脉問
無由

和韻

扶溝李四維

風塵千里客數載笑淹留惟有同袍會能消逆
旅愁看泉晴作雪近水晚驚秋薄宦聊相惜何
妨永夜遊

灤水澹悠悠孤亭柳岸頭夕陰懸碧落斜照拂
清流客醉花經眼人歸月在樓相思別後意空
繫白蘋洲

和韻

安肅鄭材

昔日曾來汗漫遊更憐仙侶共尋幽瀛州景色
情何似瀆激泉聲意未休亭榭群芳開徹浦小
天雙月坐凌秋憑空次第觀濤賦河朔風流信
自由

題釣突泉

汝陰張鶴鳴

宓靈碎剪夜光綃笑擲波心雪浪嬌倒捲銀河
穿灤底遙捧海月湧江潮驚噴乳竇投珠珮響
應冰壺冷玉簫我欲挂冠從卜築抱琴只傍水
西橋

春日再過泉亭

歷下許邦才

釣突泉亭賣酒家板橋迤邐跨河斜東風解識
丹青意畫出垂楊間杏花

玉樹三株噴雪花憑欄百醖吸流霞合消多少
黃金買問道今歸宰相家

泉畔狂吟花下眠春來常負酒家錢無端贏得
人傳說謔浪還如十載前
吼雷噴雪更流霞味比中冷特地嘉醉後詩脾
渾作渴旋烹雀舌摘藤花

泉上呂公祠

歷下潘子震

一枕盧生夢稟天玄機應不墮言詮青蛇携去
遊滄海黃鶴騎來漱石泉却老何人還有術尋
真此日苦無緣拙夫亦有烟霞客閑看青山一
醉眠

司王彭伯年丈觀趵突泉時秋闈事竣彭
伯以應聘至
亳都陳陞

第一名泉却愛看官閑盡日倚欄干臨風更挾
秋聲壯襲客常翻夜月寒雪浪直飛楊柳岸雲
花亂落水晶盤濯纓自笑塵容客何日橋頭把
釣竿

五門人邀登白雪樓

楚人郭正位

濟水城西九月秋江楓烟雨亂滄洲清泉不斷
瓊珠散遠岫平臨翠黛收此夜五星干氣象當

年七子競風流陽春白雪誰能同郢客南來獨倚樓

觀趵突泉偶詠

關南梁光裕

冷曹無所事到此聽泉聲風助銀濤急雲搖雪浪明亂山來畫閣弱柳鬱孤城冷碧堪侵骨何勞更濯纓

泉頭別劉五雲丈

新都程鵬起

倚欄觀瀾處茫然別一天迎風噴玉屑映月散金蓮萍水蹤難定乾坤榻自懸欣逢愁又別縱

酒任留連

詠趵突泉

歷下張邦基

石髓龍噴出地寒層層飛浪濺危欄坐來謾擬清如玉留取秋宵待月看

趵突騰空

歷下劉遷

何年穿禹穴三孔噴泉花水竇翻瓊樹雪峰剪玉葩寒濤清夜急亂雨夕陽斜興到邀明月濯纓弄紫霞

詠趵突泉

歷下劉勅

上廿六
裊裊垂楊拂短橋橋邊有客典金貂一尊檻外
冰輪涌六月波心雪浪驕耳列遙分王屋脉寒
聲直過廣陵潮坐看水色凌秋色好逐仙槎泛
碧霄

雨後張元平明府招飲酌突泉

徙倚石闌下披襟興自豪銀河浮淨月玉樹湧
寒濤詞賦論先達功名笑我曹相扳更欲盡水
氣逼人袍

中秋前二日同袁伯常偶集酌突泉

平生愛此地况復值清秋玉鼎和雲沸水花帶
月流傾囊結酒伴經夜醉歌樓笑殺殉名者奔
波自白頭

中秋同文徵人龍兩丈集酌突泉樓待月
有懷

天際雲初破樓頭欲二更銀河水彩亂玉樹雪
花輕素魄催詩思寒光動客情當樽誰勸酒虛
負月華明

春初訪劉五雲李際可同遊酌突泉和趙

松雪韻

吳人李以散

爲問君家酒有無相將一醉小蓬壺沙頭織草
寒猶碧橋畔垂楊老未枯噴雪驪龍翻巨浪逐
風水鳥下平湖狂來歌罷滄浪曲卧聽泉聲片
月孤

與薛克明飲泉頭次趙

歷下李應聘

一到泉亭暑氣無爭知此日在水壺清尊倒盡
人應醉玉樹噴成雪未枯衰鬢已憐虛歲月浮
名不分老江湖何如吟罷歸來晚忍聽泉聲夢

裡孤

趵突泉送李雲松還吳

天涯流落客勝地足淹留竹影鋪歌席泉聲上
酒樓風塵俱浪跡湖海盡交遊醉裏忽言別相
思繫水頭

濟南飲趵突泉

宋國彭堯俞

客行望岳攬芙蓉立馬東城揖衆峰百道飛流
喧澗谷蒼茫山色盪心胸地中忽樹泉三窟奔
騰直上聲趵突玉龍穴湧地軸翻萬壑風輪響

汨汨山人坐石發狂叫沽酒泉頭呼大醮始識
造物有巨靈何年鑿此鴻蒙竅濤落轉愁白日
沉川光掩映氣森森莫將冰柱領東海安得長
鯨吸作霖

趵突泉踵趙文敏公韻 新安江湛然

趵突飛泉絕世無清冷渾似映冰壺三冬積雪
草常茁大旱流金水未枯精氣盤回通巨壑玄
功駘蕩即東湖同遊勝有生花筆觴詠留連興
不孤

趵突泉次趙韻四首

吳越沈應奎

飛泉鼎立世間無誰把雲根注玉壺水沸不因
風力湧源深應潤海桑枯水池噴雪流千沫銀
浪轟雷吸五湖徙倚石欄涼月朗予懷如水未
全孤

試問泉源脈有無晶光湛湛瀉冰壺玉龍徹夜
風雷吼雪浪翻空洞壑枯豈有鴻濛開混沌聊
分涓滴注江湖冷然濛濛人何在對爾狂吟興
不孤

烟烟珠光散却無人間真是接方壺玉泉終歲
流不歇銀海連山脈未枯鼎沸波濤疑倒峽尾
閭消息問明湖試從太乙觀無始世外桑田鶴
影孤

萬斛飛泉一瀉無問誰三島注蓬壺凝眸玉碎
星河沸回首珠沉濁浪枯脈脈有源連海岱涓
涓不歇便江湖吾生漫醒浮漚夢夢醒乾坤逆
旅孤

幽磴黃花

大佛山

歷下劉勅撰

城之南大佛山獨冠諸山之上出廓十里石
逕逶迤攀藤而上山腰一文昌閣凭閣舒嘯
白雲隨風可臨可飲再上則三仙洞松蘿蒙
葺真非人境也曲折行里許一刹在山回合
之間曰開元寺殿前一甘露泉在萬仞懸崖
下水泠泠作聲且味甘冽稍上爲望湖亭明
湖在指顧間絕巔一峯名文壁嶄嶄勢欲插
天巉巖削壁丹樹黃花最宜秋色故世修落

上廿九
帽故事則多登眺於此焉

九日遊大佛山

宋朱熹

此日登高處千巖錦樹稠無人嘲落帽有客賦
悲秋忽忽塵中老匆匆物外遊江湖空極目不
盡古人愁

遊大佛山

容菴應大猷

山中廊榭倚山斜風日逢秋靜且嘉樹色坐憐
林下葉野香行愛菊垂花崖穿石溜含清露磴
絕巖扉隱赤霞客久與僧蹤跡合來遊此地便

忘家

飲開元寺

禪榻隱山阿危臨絕澗過秋清雲色淡林靜鳥
聲多絕頂懸紅樹空門垂碧蘿坐深隨野趣移
席更何如

移尊北巖下

寶地多佳勝移尊不遠尋逕幽苔積色巖曲樹
交陰野酌巡無序山歌聽有音共酣方興劇起
坐更登臨

下山

出寺日已暝下山心重違與僧爲後約留客盡
餘暉澗道停華轂莓苔拂繡衣古來豪士興常
被僕夫非

九日赴兩臺約

歷下劉天民

兩臺風致真瀟灑九日高筵着隱淪雲漢曉晴
如媚客霜空秋老倍傷神山中白酒煩深醉岩
畔黃花正可人萬壑烟霞誰領畧相逢莫負百
年身

遊開元寺

南澗楊守禮

遠上招提石徑斜霜楓晴日景偏嘉蒲團講道
爭傳鉢貝葉翻經誤認花促席峰頭橫紫氣投
林鴉背閃明霞登臨不厭深深醉回首仙凡別
是家

同朱嵩野諸丈燕集

錫山俞憲

羈人悅春歸聯讌遡南郭裊裊經遠丘行行指
孤壑西嶺見佳人相顧忽悚愕或取頭角雄或
經軀體鑿佛慧來無方塵幻寧與着更來兩源

泉當巖布靈澤甘露已成滴長生只盈勺上有
七寶枝下有千年樂啜泉坐花壇尋幽轉林薄
雲磴多斷續登臨遍小閣深可蟠一龍淺可巢
雙鶴中有曇摩書可以供玩樂徘徊不能供豈
謂耽寂寞物化俱易盡薄澹將自託古人登名
山鳥道今非昨遽起逃禪心它時再斟酌

同諸寅丈登大佛山

勝覽逢佳節登高况佛頭眼應清處豁愁向醉
中休莫遣黃花笑聊隨白鳥游茱萸已插遍日

影尚當樓

春日同藩臬諸公遊賦 浙人孫應奎

將軍好客仍高興故借青山供酒卮細柳營前
催騎急亂峰雲裏坐花遲烟凝石鼎香聞妙僧
瞑蒲團定幾時到此令人心地寂松聲潭影亦
吾師

同遊

豫章魏良貴

暮春風日散微和徑仄長松帶女蘿碧殿流雲
佳氣合緝園經雨落花多烟含幽岫浮空翠水

引晴霞照淺沙更欲談經散幽抱未妨公暇載
鳴珂

次韻

蒲版裴紳

東風二月散微和霽雨輕烟閃薜蘿古栢纔看
含練少碧桃早已占春多踏青隨處歌芳杜取
醉終同卧淺沙擬坐蒲團窺色相不妨南陌再
鳴珂

山中獨坐

都水張繼孟

山深無車馬寺門更不譁借榻經三宿飲露復

殮霞老僧朝暮禮垂白具袈裟山犬渾不驚終
朝吠落花

集大佛寺

歷下李攀龍

流音拂層岑返照翳深谷古寺入蕭條迴巖抱
幽獨梵影靜香臺鐘聲殷石屋絕壁棲禪誦懸
崖下樵牧秋花雨還瘦老樹霜逾禿寒泉可瑩
心白雲况極目登臨客自佳搖落時何速疏色
蕩腥膻苔光清簡牘新詩發神秀舊游耿初服
歸來杖屨便老去烟霞伏高城出睥睨燈火通

林麓言旋轉多興後期此同宿

招郭年丈遊大佛寺

歷下許邦才

龍山追賞碧雲開文席留連黃菊杯城近易供
陶令酒寺幽合築遠公臺湖田涸水霜鴻去洞
口吹笙海鶴來隨伎謝安今繫望誰云百里竟
淹才

南山招集

歷下潘子雨

秋山新雨歇繫馬夕陽斜風急頻過鴈霜寒尚
見花傳觴歌轉疊對月興偏嘉醉卧石床晚蓬

窓映紫霞

山中卽事

山人劉朝憲

睡起禪房坐清風動短襟巔崖垂恠石欹樹卧
橫陰習靜滌塵慮貪幽忘客心振衣起長嘯洞
口暮雲深

遊大佛寺

借宿山中寺翛然爲訪仙曇花斜挂壁瑤草倒
垂泉裊裊雲峰秀媚媚雨竹鮮蒲團今夕話相
對各無眠

携尊扣竹寺放浪醉中仙覓句行松嶺濯纓傍
石泉潭深蒼霧合碑古碧苔鮮坐聽三車演鍾
聲夜半眠

下第遊南山寺

歷下光 廬

浪跡乾坤在招邀過翠微肯將和氏淚揮洒薜
蘿衣古殿松陰冷懸崖鳥道稀陸沉非所願雲
卧竟忘歸

九日登大佛山賞菊

亳都陳 陞

石磴盤旋碧澗幽蕭蕭霜樹恰宜秋月高片塔

來僧室日下平湖到酒樓岩菊亂開紅葉擁天
風不斷碧雲收任教帽落吹短髮且把茱萸插
滿頭

採菊

歷下張邦基

種菊佛山是幾年西風冉冉碧雲天當時若有
陶彭澤應向花前枕石眠

佛山賞菊

歷下劉 遷

佛山花欲吐三徑菊垂芳黃萼新凝露紫英冷
帶霜登高憐晚節把酒挹清香遊子皈依者折

來獻梵王

遊大佛山和陳文孺韻 歷下劉勅

秋深何處不黃花騎馬看花路未賒對景惟憑
仙令酒尋幽先到野僧家傾尊有興同陶令落
帽無風笑孟嘉莫道主人情不盡夜歸山畔月
明斜

同師太宇遊大佛山

杖策尋幽僻烟蘿共客攀松深山殿冷僧定野
雲閑片塔層霄上孤城返照間逃禪堪在此何

必望鄉關

九日遊大佛山

騎馬尋幽僻秋容淨可冷樹聲驚帽落嵐氣逼
人寒杯泛茱萸紫霜凝木葉丹夕陽狂未已任
作酒徒看

同葉景魯次劉五雲韻 新都徐守仁

試發登臨興南山菊可殮情深千里愜宦薄九
秋寒縱酒渾忘醉延年不乞丹側身高閣上咫
尺五雲看

五雲招登大佛山

歷下李應聘

秋來多野興
緒伴訪南山
洞口分甘露
佛頭擁翠環
雲飛心自在
鳥語意相關
不盡劉郎意
長歌踏月還

佛山賞菊

四明金湯

結伴登臨秋氣清
望中烟樹點湖城
諸天削壁藤蘿合
飛布層崖足練明
白鴈風前丹葉落
黃花岩畔綠尊傾
歸雲半鎖禪關寂
徑路蕭蕭萬籟鳴

大佛山寺踵朱文公韻 新安江湛然

寂歷開元寺
陰陰灌木稠
閒僧猶結夏
孤客已先秋
塵鞅絆卑宦
津梁疲卧遊
願生無上智
為破大千愁

白雲霽雪

白雲樓

歷下劉勅撰

德藩內有濯纓泉
灰泉玕珠泉
珠砂泉共滙
爲一泓其廣數畝
名花匝岸澄徹見底
亭臺錯落倒影入波
金鱗競躍以潛以咏
龍舟輕泛簫鼓動天
世稱人間福地
天上蓬萊不是過矣
且當雪霽白雲繚繞
下接水光上浮天際
宮殿隱隱在烟霧中
宛然如畫
真宇內未有之奇也
故貴人詞客莫不咏觴于斯
雖其禁地不可常遊
而滙爲明湖流爲清河則餘

波所漑殆無窮矣

南山疊翠

存樂

巍巍巨鎮屹凌空重疊群峯勢益崇雨過新排
青祭戟雲開遠列畫屏風芙蓉獻秀同廬阜造
化鍾神類岱宗我欲登臨觀八極擬騎白鹿最
高峰

北海澄波

地脉天開號北溟晴明時有蜃樓升蟾光夜映
烟常斂鴈影秋沉水自澄三載已欣風浪息十

年復觀聖人興休嫌虛誕莊王語殆化鯢魚作
大鵬

峽石鳴泉

恠石嶢岩峻極天中開玉峽瀉鳴泉遙觀瀑布
飛千尺靜聽瑤琴弄五絃莊叟陶情閒獨着宣
尼驚夢不成眠泠泠幽韻諧宮徵畫筆何能爲
世傳

堤柳晴烟

堤畔寒烟幾縷明霏霏長傍綠楊生紋綃密罩

天將暝素練橫拖雨欲晴鳥過林中難見跡鶯
啼枝上但聞聲游人遙指爭相訝盡道高浮紫
氣凝

飲白雲樓

長安張 岫

南山雪後白雲飛日出扶桑萬物輝仙客抱琴
穿洞去樵人荷擔躡冰歸路迷蓬島森琪樹山
削芙蓉隱翠微不似灞橋吟思苦皇華四牡正
駢駢

觀珍珠泉遊白雲湖

靜齋陳鳳梧

天潢流出碧成渠隔斷紅塵迥不污清徹一泓
涵玉鏡瀾翻千點吐驪珠金魚潏潏時吞餌翠
藻青青更出蒲爲受源頭真活水過橋分作白
雲湖

仙舟縹緲渡銀河倒盡芙蓉萬頃波亭在水心
浮日近柳綠堤畔受風多中流鼓吹魚能躍四
面峯巒紫翠羅疑自蓬萊遊弱水陽春白雪聽
高歌

五日珠泉宴賞

靜齋陳鳳梧

隔年遊賞此重來更喜端陽管鑰催泉面風微
搖爽氣崖頭日霽淨浮埃金魚尾戲晴波動玉
蕊花臨碧岸開亭午席間無暑到恍疑弱水護
蓬萊

次陳靜齋韻

壽光劉 銳

濟源分入禁中河點點青萍蕩碧波物外一塵
飛不到人間萬象景偏多和風隔岸催絃管麗
日當庭照綺羅縱飲豪吟須盡興猶勝想像入
詩歌

牆外宮花照眼明珠泉遙送棹歌聲山亭雲渡
疑眸碧水殿風來透骨清杏荐冰盤香沁齒蒲
分露酒醉含情飄然興在滄浪外便覺軒裳一
念輕

白雲亭泛舟

灤江王 珩

禁城春曉泛晴湖萬象光涵一鑑鋪合浦月寒
珠錯落靈臺雲起玉模糊白魚黃鳥隨歌扇碧
石青沙入畫圖七十二泉遊覽遍獨疑今日在
蓬壺

重飲白雲亭

華泉邊 頁

曲池泉脉遠通湖百丈珠簾水面鋪雲影入波
天上下蘚痕經兩岸模糊閒來夢想心如見醉
把丹青手自圖二十六年回首地碧闌朱榭隔
方壺

咏白雲樓

歷下張 弓

望雲帝子搆榭圖雪後登臨幾自呼霽色浮空
連岱嶽寒光射目失明湖浪傳海上開蓬島不
道人間控玉壺安得梁園同授簡倚欄白戰看

模糊

觀珍珠泉

蒲池楊九澤

內苑深嚴地坤靈出異泉亂噴珠顆碎平瀉玉
光鮮想是源通海看來氣接天派分知幾許億
萬如斯年

同劉五雲遊白雲亭

關南梁光裕

何事來高客相邀到禁林雲連關氣紫水共主
恩深萬里思鄉淚千年報國心臨流頻悵惘媿
我二毛侵

觀白雲泉

亳都陳 陞

樓邊開霽色池水浸朱霞何事神仙地偏屬帝
子家流成雲外渚泛出禁中花入夜搖輕棹殷
勤醉月華

白雲雪霽

歷下劉 遷

清冷一片水禁苑蕩平湖溪浸晴雲動波搖曉
日孤雪光明玉宇霽色冷冰壺潦倒扁舟去深
泉捉亂珠

飲白雲亭

歷下劉 勅

數畝方塘碧鑑開盈堤花竹鬱樓臺雨添波浪
魚龍出風送樓船簫鼓來雪霽白雲天倒影樽
開明月客啣盃生成福地人難到聊把綸竿亦
快哉

白雲亭

歷下李應聘

勝覽分茅處光芒燭上台珠璣從地湧樓閣自
天開霽雪供詩興流雲入酒杯王門無一事日
日任徘徊

望白雲樓簡劉孝廉

新安江湛然

靈泉幾派接天潢陸海瀛洲帝子鄉銀榜儼從
雲際出瓊樓宛在水中央秋風招隱開叢桂夜
月徵歌下七襄爭說孝王能禮客馬卿何事倦
游梁

石洞絕塵

千佛山

歷下劉勅撰

郭之南自大佛山連陵而來群然北拱此山
去城市僅五里許翠栢蒼松象峰翳谷奇根
古幹與石交生一刹懸之山腰境界清絕殿
側一泉其清冽可滌煩腸稍上石洞幽深真
一塵不到處也凭欄指顧清河窈窕如帶且
湖光明滅萬竈煙浮城市宮室瞭然在掌股
間李于鱗所謂坐久鏡中懸片華望來城上
出雙河殆描寫入畫矣出郭浮屠聯絡可信

步而陟其巔亦幾城市之山林也

陪潘臬諸公登山

歷下邊 貢

故人還與故人登石磴
峒嶢梵閣層南郭正當
春晚出北闌遙對暮雲
凭含峰翠壁懸千佛落
日青林晃一僧車馬載
馳燈火亂坐欣歸路夕
光凝

九日登千佛寺

南山空翠嶺野老倦登
臨城郭千年跡雲霄萬
里心夕陰含積水風葉
下長林短髮新來白黃

花不可簪

亭午客先集憐予遲出
城吏當青塔候僧下碧
山迎奕譜傳新勢騷壇
講舊盟洞泉秋不冷好
與濯塵纓

窈窕寺門敞蒼蒼山徑
微風輕不落帽雲近忽
凝衣削嶺丹楓直垂巖
紫菊肥晚途喧鼓吹大
醉出林扉

十月六日登千佛山寺

亭午登山寺淹留晚未
歸涼風起高樹落葉滿

僧衣城郭寒烟聚樓臺暮景微京華十載客愁
與故人違

入寺

共邀黃鶴侶來問野狐禪日出山中寺風鳴樹
裏泉落花空色相啼鳥伴幽玄莫叩輪迴事吾
生自有緣

出寺

雞鳴春日曉鍾落上方幽樹濕雲猶住山空翠
欲流酒床隨客去詩草付僧收虛美岩栖子塵

鑿不可留

同鎮山霽寰二丈遊山

出郭偕雙彥登巖扣梵筵松陰石洞外花雨佛
樓前濟水東流合華峰北斗連照臨齊地小共
覽一燈然

朱吳二丈同過對華亭仍攀東巖稍憇

巖風時引客徙坐更開襟華岫張筵入香泉洗
盞臨尊空啣石影松古和龍吟還欲窮幽勝相
携躡磴尋

秋日同潘臬諸丈登山

山寺齊城外盤桓一徑通
曾攀薇省樹遙聽石樓鍾
日月珠壇古龍蛇畫壁空
鏡心渾不解秋色翠微中

獨愧周南化重逢歷水秋
却憐黃葉少聊作碧山遊
城抱湖流轉雲潤海氣浮
雙峰懸慧日一覽盡齊州

春日再遊

石徑青林合山腰糾宇懸
登臨仍此夕同眺更

何年岩峯三天界窓含萬樹烟
春行方岳事不去豈逃禪

谷口鶯初囀亭中花正明
泉聲鳴夜雨野色帶秋晴
趺坐隨僧定長歌繞樹行
暫因人吏散一寄薜蘿情

同呂玉窓方伯朱嗣野憲長千佛山用唐

人韻

無錫俞憲

九日千山百尺臺禪林面面白雲開
諸天東迤齊城去岱嶽南從魯甸來
近徼已聞夷島靜殊

方初報虜塵迴應憐樂事今秋勝莫放花前舊
酒杯

同半洲登山望西湖 沁源張鵬

窈窕風光景物嘉晴川一望帶平沙片雲橫處
重重樹湖水流中萬萬家坐久頓能消白日
餘遠見落紅霞登臨感慨知多少孤鴈南飛極
浦斜

同張侍御登對華亭 閩中蔡經

歷下名山秋復登丹崖青嶂鬱層層徑緣采菊

行將遍檻爲看雲悵獨凭遠岫斜陽邀去鳥踈
林涼月送歸僧凌高小結依龍洞坐對華峰翠
欲凝

秋日南山氣轉嘉縈迴石磴帶晴沙琳宮上接
三千界雲樹遙臨幾萬家百頃蒼茫凌函首諸
峰羅列鎖烟霞同遊俱是觀風客極目應憐草
屋斜

登千佛山寺 雲亭鄭雲

千佛何年鑿躋攀此日綠乾坤浮華鵲雲樹入

幽燕龍去洞無主鶴來寺有仙山靈知客興細
雨故濛然

登高方外興對華亭中過俯眄奇峰小遙迎瑞
氣多野雲騰洞穴山雨挂藤蘿暮色催人去僧
歸互答歌

劉侍御招遊千佛山

容菴應大猷

日午霜威促肩輿逐暑來山闢千佛國院鎖百
花臺業冷不知夏綠空何用媒與君俱是客能
得幾啣杯

登千佛山

新安胡松

咫尺南山翠疊屏春風引馬度郊扃瀑泉萬丈
雲中白石佛千頭雨後青華鵲峰高懸北斗蛟
龍洞古接東溟年年九月黃花節多少遊人醉
不醒

春日遊千佛山

歷下范瑟

春山南望野雲收風色新開是勝遊入寺松陰
搖鳳嶺尋泉洞口見龍湫翠微人坐諸天近清
梵僧傳萬象幽獨有曇花看不定虛疑散作彩

霞流

身外休牽纓冕榮塵驅久矣苦吾生初過勝地
留踪跡非向山僧問姓名芳草更增丘壑色白
雲偏助薜蘿情均霑聖泊青林苦大樂何緣道
客行

秋杪同許左史眺望

歷下李攀龍

南山有幽意駕言重徘徊湖波蕩寒城四座清
光開金天澄素景秋氣何悲哉繁陰逼白日浮
雲自往來落木颯中林流焱激巖隈朝昏上烟
火原濕被樓臺故鄉無滯淫世路多塵埃念我
平生懽離思總難裁

青尊何處不蹉跎白髮相看一醉歌坐久鏡中
懸片華望來城上出雙河杉松半壁浮雲滿砧
杵千家落照多縱使平臺秋更好故人猶恐未
同過

回首飛鴻碣石標清霜處處錦林凋層巖倒映
平湖淨積翠斜連粉蝶搖四海交游空老大一
時賓客更蕭條病來苦愛觀濤賦不分梁園此

見招

九日同許殿卿登千佛山

滿天鴻鴈雨紛紛濁酒黃花插向君莫道龍山
高會後風流今少孟參軍

九日于鱗招遊南山

歷下許邦才

山頭對酌夕陽斜下見湖城十萬家賸有登高
酬令節何人真不負黃花

歲序驚心水急流年來又白幾人頭那知綠酒
青山外惟有黃花似故秋

春日諸友招集值雨

東風回換海山春夜雨催萌草色新那向垂髫
遊集處尊前剩作白頭人

一別僧房三十秋勞生空自嘆悠悠不因薄暮
千山雨那得芳時二日遊

毛直指邀登一覽亭

廩延李戴

聯轡登山興不孤上方風景居然殊暮烟深鎖
千家市月色平分一鏡湖岱嶽東來連聖脉燕
山北拱壯皇圖天邊雨露隨驄馬到處霑濡萬

彙蘇

九日同溫侍御登山

溫陵黃克績

鏤佛山亭倚檻秋如螺華嵒翠烟浮高情賴有
彈冠侶衰鬢應無落帽愁萬樹青葱霜自淺千
巖岑寂夜還留因君忘却十年客欲採黃花插
滿頭

邀李務滋侍御遊千佛山

山中伐木鳥嚶嚶載酒登臨共友生四野晚烟
連岱嶽一湖春水見齊城玄珪削出華峰秀翠

黛消爲石溜清倚檻好窮千里目心知直北是
神京

同藩臬諸君子登千佛山

青山歷歷擁名都翠藹遙看近復無樹滿齊城
千堞遶煙籠華頂一峯孤燕臺北望黃金市肅
慎東飛白石磬社稷安危公等在相逢何必問
夷吾

同馬侍御登千佛山

繞郭千峰起暮雲登臨載酒此邀君燕山岱嶽

空中斷碣石遼陽樹外分日射平湖光錯落煙
生翠壁氣氤氳倚欄無限憂時意盡付驚飈送
鴈群

同馮元成觀察登千佛山再用遊湖韻二首

春色何方好相邀問歷山煙籠譚子國地接穆
陵關覓句風塵外論心宇宙間晚來移席處鷺
嶺可躋攀

晴湖歡不足携酒陟層巒倚石登梯穩臨風看
絮寒尊前華鵲小檻外海天寬目極隨陽鴈乘

春向北看

乙未九日偕諸寅丈劉定宇但襟春馬明

河登山賦此

宛陵徐榜

蹤步千郊外狂歌九日詩登高窮脚力帶酒弄
花枝雲過平林迥月來古刹遲無人驚落帽獨
喜酒盈卮

登千佛山寺

歷下潘子震

野寺秋光載酒看詩懷猶為惜秋殘山空雨濯
雲逾白樹老霜侵葉更丹斜月半窓松影亂懸

崖數滴水聲寒閑來直作藤蘿客誰信刁圭生
羽翰

同詹調宇遊千佛山 毫都陳 陞

履杖絕塵處悠悠眼界空京華天際外城闕酒
杯中遠樹懸殘照飛花落暮風相將同調客潦
倒梵王宮

暮春酌對華亭感賦 歷下劉亮采

殘陽欲下古亭幽有客憑欄豁醉眸夕照萬家
烟霧合春城十里水雲浮昔看形勝歸籌策此

向山靈問去留好景當前成感慨自憐不似少
年遊

登千佛山吊古 孟津楊玉潤

雨餘蒼翠積巖從烟靄飛微落照紅四面有山
皆入畫百年無日不飄蓬西方大地三千界東
國鴻圖十二雄坐久憑高唵眺遠依微海岱酒
杯中

登千佛山 歷下劉 勅

松柏森森結地陰凌空一刹足登臨明湖半占

山城小碧嶂高懸石洞深花雨漫醒塵世夢鉢
聲忽動白雲心夕陽把酒長林下徙倚僧門聽
鳥音

七夕同徐元甫遊南山

僻性堪憐樂事違喜君携我扣禪扉仙槎此日
乘霄漢幻跡何年住翠微洞口雲迷塵世遠塔
邊雲濕定僧衣聽經不覺秋山暮清磬泠泠送
客歸

山居自賦

數畝亭園苦未深仍携一劍向珠林坐看花雨
同僧話靜對空王聽梵音野鶴孤猿塵外客閑
雲流水定中心出山先爲歸山計不使蕭蕭兩
鬢侵

登千佛山

歷下李應聘

野寺誰常到高人載酒來雲霞天外落城郭掌
中開貝葉飛禪榻曇花繞吹臺紅塵原不染白
髮莫相催

千佛山

新安江湛然

中車出城郭蠟屐陟雲岑寺秀雙株樹山開千
佛林曉光浮檻淺晚翠入樓深邈矣環中想起
然塵外心

登千佛山懷歸

東郡蘇 潢

登高禮千佛孤亭清且幽落日聞鍾沸萬家砧
杵秋凭欄一以望華峰天際頭竹廬在何許歸
去莫淹留

明湖泛月

大明湖

歷下劉勅撰

德藩諸泉之水北匯爲明湖湖居城之半萬
頃芙蕖榆柳夾岸一當秋夜水光與月明兢
爽簫聲挾秋氣為豪真是鼓枻而歌滄浪也
故命舟人搖艇過之遠近芳洲聚如五星樓
閣浮屠隱隱錯落紅紫烟花絢如匹錦鷗鷺
鳧鴻載鳴載飛出關遙泛可一艇而達華山
之下把酒望月縱談千古令人直得意于塵
垢之外昔人名爲西湖蓋寰中之絕勝云

大明湖

宋曾鞏

湖面平隨水面長，碧天垂影入清光。
一川雨露荷花曉，六月蓬瀛几簟涼。
滄海桴浮成曠蕩，明湖槎上更微茫。
何須辛苦求人外，自有仙鄉在水鄉。

百花橋

將家湏向習池遊，難放西湖十頃秋。
從此七橋風與月，夢魂長到木蘭舟。
鴈翅橫連杜若洲，碧闌干影在中流。
蓬萊日日

遊人到誰道，仙風解引舟。

大明湖

元趙孟頫

春陰柳絮不能飛，兩足蒲芽綠正肥。
正恐前呵驚白鷺，獨騎欵段遶湖歸。

遊大明湖有感

元張養浩

肇余復鄉土，樹石皆華滋。
沔彼湖波綠，頓覺香可卮。
携朋訪蓮葉，浩浩從所之。
俯視亂山影，與樹相參差。
商飈一披拂，夾岸蛟龍嬉。
舉手欲攬玩，復恐陽侯悲。
平生慕天游，不意今有茲。
赤壁

披山笛漾陂少陵詩二子孰可繼沙鷗弄晴曦
夏日同諸君遊大明湖值雨俄有晴色喜

賦

歷下邊 貢

隱隱輕雷動水西水東殘日抱晴霓女牆倒颭
紅旗動農屋斜連綠稻肥張相池臺烟漠漠閔
公祠墓草淒淒回舟不盡登臨意却棹涼風過
別溪

潘臬諸公招遊大明湖

雲水地臨三憲節江湖天放一漁舟虛煩倚樹

看黃帽耐可乘槎漾碧流

漾漾蓮舟繫古槎沉沉波影照烏紗多情最喜
臺中客乘興能看水際花

水岸風迴晚更涼菰蒲零亂拂衣裳扁舟莫到
花深處恐礙波心片月光

萬竹陰陰暑氣微主人迎客敞柴扉翻愁使節
忽傳近驚起舟前白鷺飛

九月望日同大陽有臺二使君泛舟出郭

二首

野眺憐幽曠移舟出水關上卿雙蓋迥漁父一
簑閑墜葉紛飄座回汀曲抱山芳樽對搖落不
醉莫言還

候火射波光中流見女檣觀樓增突兀雲月通
微茫岸接青山近舟攀綠芷香興酣忘夜久歌
吹遶林塘

泛舟

此日秋風起移舟向浦烟客心隨地遠人語隔
花傳古寺踈林外孤亭落照前十年塵土夢回

首一茫然

湖亭夜別柴吳二紀功

十年青瑣委蛇地此日逢君感昔遊簪筆曉隨
龍虎仗鳴琚春入鳳凰樓倉皇出牧臨江郡負
病歸來守故丘溪水野烟俱寂寞夜深相送不
勝愁

客子別愁何處醒尹家園裏竹青青水深不辨
堰西路月出更登湖上亭鄉土幸看收戰戟野
夫何以報朝廷華山亦與燕然並欲洗巉巖勒

舊銘

與潘臬諸公泛舟

水邊葭葉冷含秋城外山光晚映樓霜露忽催
時物改乾坤如共此身浮深村曖曖憐荒業飛
蓋飄飄侶貴游明日擬登華不注醉看東海豁
雙眸

七月四日泛湖

湖上扁舟寺裏燈水雲如浪白層層橫橋積雨
斜仍斷卧石臨溪淨可凭却過竹林忘問主欲

尋蓮社恨無僧酒酣更向城南眺日落滿山烟
翠凝

與平崖林豸史泛湖抵華不注夜從陸歸
浮舟近出郭落日半溪陰水濶蕪葭靜山寒烟
霧深壺觴不盡興絲竹有餘音獨恨黃花少猶
煩隔浦尋

黃昏過別業却見舊山僧客駕聊云息鄉愁轉
更增水光浮夜月林影散秋燈隔苑死聞寒犬高
軒醉懶乘

湖上候陳趙盧三按察不至俄而惠酒自
速以詩
歷下劉天民

采舟久繫湖邊柳綺席遙張草際亭避暑欲謀
河朔醉感時豈效屈原醒為憐菡萏媚蒼水不
分鳧鷗點綠萍栢府更携香醞至漁歌獨向月
中聽

七月五日巡按李寓山邀飲湖上既聯句
二首翼日次韻為謝
泉南黃克纘

搖落村翁好自來風流豸史解憐才爭將野鳥
供詩句更取池荷製酒杯日暮寒雲封草樹月
高秋水浸樓臺還能子夜聽吳曲懷抱逢君亦
快哉

八月八日周石崖王在菴王南江偶集湖
上漣漪閣復小泛分韻各賦二首

綺席高張俯鏡湖玉盤爭洗出行厨多情自爾
乘軒至有客原非折柬呼永日禽魚饒應接清
秋身世等虛無傷心媚景尋輕舫信步殘陽入
荻蘆

湖上烟光向夕多，兼葭葭霜老奈秋何。
風雲實感清時會，歲月虛憐逝水波。
轉愛林間吹麩火，生憎月底遞漁歌。
早依明主趨鴛鷺，莫羨詩翁采薜蘿。

七夕雲川舒柱史邀遊明湖

秋入明湖水咽流，夕陽倒盡碧波流。
四方簪組聊朋蓋，百歲風烟幾勝遊。
幢影搖知蓮渚寺，笛聲吹過柳陰舟。
唯君自是乘槎客，此夜將因問女牛。

春日偕諸寅丈遊湖

河水泮盡水初流，日落湖干風色收。
明月飛來楊柳樹，青天泛入木蘭舟。
絕勝訪戴衝寒夜，不羨橫汾發擢秋。
欲借陽春歌一曲，憑君携向醉鄉遊。

同遊

澄江表一驥

十里晴光漾碧流，春城風物坐來收。
瓊枝對倚仙爲侶，錦纜徐縈桂作舟。
汀渚樓烟催薄暮，滄浪片月擬清秋。
回櫂未許稱陳跡，願借高情續

勝遊

同遊

勾章袁茂英

東風吹散大明水澹動新流接遠撐楊柳未舒
春意怯烟波欲暮月華昇人疑水滲頻移棹思
入江南憶採菱不是從遊黃叔度汪汪千頃為
誰澄

同遊

於越劉毅

一棹船迴入水鄉中流簫鼓動微茫尊傾北海
亭猶古樹拂東流柳漸黃烟月波涵清鏡曉雲

峰影接暮山蒼前州幾曲迷津淚疑向山陰泛
野航

冬日遊大明湖泛舟

鈞陽董世彥

歲杪何妨李郭舟眼前霜鏡足風流即看劍舄
翩翩過却有烟波故故留倚棹望中迴絕嶂開
樽深處下輕鷗請君莫更悲搖落纔得驪珠是
勝遊

春日重遊大明湖

漭沆遙從魯殿分大明湖自古今聞重臨北極

啼黃鳥一片南山起白雲已辦綸竿當避俗那
知萍梗又離羣華山春色年年在此去休移六
代文

同霽川年丈邀大明湖出城泛舟

莫恠行厨在還堪把臂同扣舷邀落日搦管動
春風鑰起千山合橋連二水通濯纓猶夙昔楊
柳又匆匆

明湖秋泛

歷下金城

百花橋畔結新亭欲避塵凡樂此生七十二泉

停蓄地一泓清碧遠浮城

自昔湖城愛水香四圍瀲灩送清光不須雲鬢
分行立萬簇芙蓉擁坐涼

同陶心齋潘鶴江泛湖 歷下張弓

午夜春城水不寒漁船同放興難闌漫將綠蟻
杯中瀉細把白鷗月下看潘岳有心還擲菓李
膺無地可投竿高情惟有陶元亮漉酒無巾卓
鷗冠

乘興挈舟結伴來藕花香處鏡光開青娥沾酒

停歌舫白鳥啣魚上釣臺波靜仙才欣得句夜
涼鯨吸數傳杯浮生過眼俱塵夢得似閑情亦
快哉

遊大明湖望華不注 歷下潘子震

雨霽湖光湛碧天正堪沽酒上漁船波間倚棹
看山影樹底行厨接水烟遙想少陵遊歷下猶
聞太白賦華巔秋來偏愛林塘好况對清風明
月前

同陸欽所年伯遊湖 亳都陳 陞

漾楫花深處微茫秋正蒼輕風引短笛明月送
輕航冷碧涵星斗琉璃湧夜光情高人不醉把
酒聽滄浪

同殷中秘翟中舍遊湖 東郡蘇 潢

獨持漢節來天上橫眺烟霞足勝遊萬頃波光
搖北極滿船簫鼓泛中流尊前喜對君青眼鏡
裏羞看我白頭別後若憐歌舞處也應飛夢到
滄洲

月夜遊大明湖 楚人郭正位

一鑑明湖一葉舟遙看鷗鷺自沉浮黃花獨抱
霜前節綠蟻還添醉後愁曲曲水門通石竇熒
熒燈火徹龍湫帆檣影撼星辰動好向仙槎入
漢遊

五雲伯仲招遊大明湖 靈壁劉 潛

載酒同遊一棹輕秋陰湖色漾層城爭看綠柳
風前舞猶見紅蓮水面傾望入雲山開眼界交
遊海岱結初盟二劉自是才名重慚我驪龍句
未成

泛舟

都門劉芳名

宛轉亭臺處處幽採蓮聲徹白蘋洲不知誰有
扁舟興能瀉羈人萬斛愁

明湖夜泛

歷下劉 遷

良夜飛新爽逍遙鼓畫航望迷蓮葉碧風動藕
花香舉棹穿星影開簾弄月光笙歌何處起燈
火亂蒼茫

同劉五雲遊湖十絕

汝陰張鶴鳴

荷葉包魚綠竹港磁瓶沽酒百花洲棹歌不斷

菱風急吹入白蘋灣盡頭

點點青螺華不注團團飛鏡大明湖相傳玉女
梳粧處濟上于今有畫圖

北極仙祠白玉關燒香女伴鬪雲環憑高笑撚
荷花蒂指點湖東望鵲山

鴛鴦沙煖蒲芽長翡翠巢空蘭葉齊鵲華橋畔
東風急綠柳千絲盡向西

佛山影落鏡湖秋湖上看山翠欲流花外小舟
吹笛過月明香動水雲舟

白雲寂寞下空陂綠藻芳舟繫種籬海內名亭
都不見令人却憶少陵詩

獨抱瑤琴近水樓登樓一奏廣寒遊花裏絃歌
聲細細月明堪上採蓮舟

酒傾荷葉臨風吸網得鱖魚帶藻烹偶從玉女
祠東過繫看闌撓吹玉笙

我是湖山吏隱身年來最與白鷗親會波泉上
夕陽裏紫翠玲瓏透鴨茵

港口分舟夾岸迷青青茭草拂衣低水波雲起

湖光白十里清香綠稻畦

和張元平韻十首

歷下劉勅

仙令翩翩湖上游玉簫金管木蘭舟
俸錢買得橋邊酒一棹輕浮水盡頭

十里華峰一嶂孤風吹倒影浸平湖
萬荷夾岸漁舟小點綴仙郎入畫圖

柳岸人家晝閉關採蓮少女整嬌髮
菱歌聲歇晴雲散喜見城頭出萬山

橫塘港口泛烟低一片孤城草樹齊
沉醉尊前

何不可亂山明滅夕陽西

爽氣襲人夜欲秋白雲飛盡水長流
磯頭月落漁簑冷橫笛一聲罷釣舟

北渚亭幽傍水陂垂垂綠柳槿花籬
濟南名士知誰是惆悵樽前獨賦詩

湖畔何人新結樓樓邊烟水足人遊
閑來一醉憑闌望千樹垂楊覆小舟

爲憶漁園地主情得魚便向故人烹
于今馭鶴金流去風韻松篁弄玉笙

人生最苦宰官身野鷺江鷗獨可親此日閑吟
兼對酒醉眠更喜草成茵

草色淒淒野樹迷倚樓遙望遠天低玉河一派
潺湲水分作香流散稻畦

夏夜同二三君子泛舟

張鶴鳴

荷花嬌欲語波香鏡湖涼綠岸追風笛水盤引
月光叩舷白雪調落酒夜雲香忽動山中興山
中有薜裳

夏夜張元平邀同王孟肅劉百世遊大明

湖賦得荷花嬌欲語

劉勅

荷花嬌欲語荷氣襲人裳仙郎列綺席倚棹泛
斜陽散髮共披襟深入水雲鄉何處一聲笛橫
吹林月光漁火半明滅山色遙蒼茫呼兒取碧
筒酒吸露華香蕭颭竹風來隔岸響鳴璫水鳥
忽驚飛鳴鳴過短牆更登湖上臺主客兩相忘
美人唱吳歌爲我佐瑤觴回舟欲明發停撓興
轉長歸來不成寐詩思苦牽腸

立秋日訪金維和

西風瀟颯送秋來，爲喜新秋過釣臺。
一葉忽從金井落，萬荷獨向鏡湖開。
舟中月冷初聞笛，樓上更殘尚酌杯。
客散醉深歸不去，披襟高卧水雲隈。

春日同趙道亨陳符卿偶集大明湖

結伴行吟過釣磯，桃花夾岸柳依依。
典衣莫負春將老，得酒兼逢魚正肥。
船泊中流天倒影，水涵遠岫月生輝。
欲酬佳景清狂發，倚棹長歌醉不歸。

夏日同王孟肅劉百世重遊大明湖時張元平欲解綬不至

夕陽倚棹水悠悠，萬頃荷花一釣舟。
月色半涵天外樹，山光倒落水邊樓。
交情未定憑詩社，時事堪憐付酒甌。
有客掛冠今欲去，薜衣同作五湖遊。

春盡日遊明湖同薛克明飲趙道亨園

湖畔呼舟日已斜，相携猶過野人家。
滿天好景隨流水，一片春愁對落花。
白髮將侵憐歲月，黃

金莫惜醉琵琶興來直欲終宵飲酒盡孤村無處賒

中秋遊大明湖懷游藝初明府

兩岸芙蓉一棹輕懷人此夕不勝情誰家砧韻
西風急隔水笛聲秋意清夜色半迷千岫迥寒
光高散五湖晴繡江江上神仙令何處開樽醉
月明

中秋前五日邀劉文徵劉人龍家弟同泛
大明湖時值陰晦

蕭瑟西風泛酒船滿湖秋色夕陽天蓮房露重
荷將老桂宇雲高月未圓孤鶩遙飛清渚外千
峰半落畫帆前當樽俱是知音客一醉憑君倚
棹眠

立秋後招李季宣遊湖

湖光十里映流霞日暮相邀過水涯一棹驚風
荷氣遠片帆拂樹月明斜天垂碧鏡遙涵岫雲
落澄湖倒侵花喜見秋波通漢曲憑君直泛斗
牛槎

邀陳晉卿遊湖有感

閑來邀客泛輕航十里荷花碧玉香
月色半天侵薜荔笛聲幾曲出滄浪
青嵐倒影孤峰遠畫鷁橫飛兩岸長
當日七橋何處是倚撓空悵水茫茫

夏日陳晉卿招飲值雨

湖光十里晚風輕共挹幽香泛酒觥
隔岸電搖千樹色滿天雨灑亂荷聲
樓頭漏盡雲初霽橋畔人歸水未平
寂是仙郎情不淺殷勤醉倒魯

狂生

秋日同李際可遊大明湖醉聯

載酒湖亭上清秋更鮮衣荷香襲四座
樹影混斜暉有意爲漁者無錢買釣磯
月明人醉後一任世情微

秋夜招袁伯常田有年家弟月下同遊大明湖

湖水宜秋色孤帆對月明鏡中涵遠岫
樹杪出層城歌妓當尊艷笛聲入夜清
留連苦不醉有

負酒徒名

春盡李際可諸君邀遊大明湖值風

一望湖光闊相扳倒玉觴
藤花盤古樹柳色掛斜陽
興到行杯急風來返棹忙
當尊皆老友猶是少年狂

夏日王岱雲招邀大明湖即事

漾楫花深處披襟醉落暉
狂隨明月飲醉載美人
歸群岫當城出流螢
傍客飛驚看風雨至水氣滿荷衣

秋夜督郡丞陳司理邀同徐別駕泛湖

十里花深處中流一棹過
遠山雲點綴亂樹影婆娑
宿鳥驚簫鼓閑舟繫
芰荷夜歸人未醉把酒聽漁歌

夏夜泛舟值雨

欲鼓中流楫啣杯悵暮天
雲濃失近岸雨細灑空船
斷笛孤城外飛螢古渡邊
歸來情不盡沉醉百花前

劉子喬比部招同王叅軍遊大明湖

湖光搖客鬢潦倒一尊同月落湖聲裏風回燭
影中放歌憑野伎扶醉任家僮莫為憐歸晚荷
花幾度紅

中秋陳文孺明府邀同錢仲常吳正思兩
明府遊大明湖

封夷吹雲捲暮空玉盤擁出海門東一片寒光
浸高閣冰彩滿衣撲不落幽人偏愛寒月光向
空吸之濯肝腸碧湖涵月澄秋景跨虬直拂山
河影山河倒影入平湖水色天光同一冷

舟中賦送錢仲常明府還蜀

瑤臺鏡掛青雲端樹影亂篩白玉寒滿湖寒玉
逐清波一天涼露欺薄羅病骨無能敵夜色酒
力頗堪潤肝膈錦江秋水促歸舟仗劍君爲萬
里遊今宵不醉湖心月明日啼猿處處愁

大明湖

沁源張鵬

十里芳湖地更嘉白鷗野鷺浣平沙淺航漫泛
芙蓉沼曲徑斜穿楊柳家裊裊竹竿垂碧玉團
團荷葉噴流霞尹園尚有遺亭在日暮輕風燕

子斜

五雲招遊大明湖感賦 歷下李應聘

何處滌塵俗 嵒山湖水清
亭新思故主 社散喜新盟
風靜漁歌遠 雲閑棹影輕
黃昏人去後 回首笑浮名

秋日泛大明湖

歷下任登瀛

白雲紅樹太湖秋 乘興相邀載酒遊
客子醉臨牛女渚 漁人遙蕩木蘭舟
川城依北極 玄精合波撼南山
翠色浮落日 更登臺上望 風吹健步送

雙眸

遊大明湖踵邊庭實韻 新安江湛然

簫鼓畫船動水西 水光山氣蒸虹霓
綺殿瑯瑯影錯繡 嘉魴美蟹秋爭肥
菊萸酒筍香撲撲 芙蓉衣集風淒淒
月明滿天無秉燭 歌聲盈耳更前溪

大明湖同趙文學泛舟 萊蕪朱童蒙

樹裏湖光出 群鷗立不驚
蓮衣拂水亂 蘭棹逐風輕
邂逅來相契 當樽締久盟
漁人滄浪裏 鼓

